

Jona

Jona i botewayatho Giya Loi għaliex

¹ Va mbanja regħa GIYA LOI ghaliex i mena weya Jona Amitai nariye.

² I dagħewi inja, “U yondoviri Jona, na e ghembako lagħiye Ninive e tine, u dage wenġi lenji tharri i lagħiye moli na tene ya mukuwongi.”

³ Ko iyemaenje Jona i voiteta GIYA LOI na ma i warerinjava ghemba regħa idae Tasis. I wareri na i wa Jopa, na gheko ve vaidiya wanga regħa kaero ghambanja vara i wareri Tasis kaiwae. Jona i wa ve vamodo wañgako, kaero i thawé na i wa Tasis kaiwae i munjeva i voiteta GIYA LOI.

⁴ Amba GIYA LOI i variya ndewwendewe vurivurīgħegħeniye regħa na i nja wenġi e ghinagħha mborowa. Ndewwendeweko le vurīgħegħe kaiwae wañgako vama ina vara e tharri tine.

⁵ Gharelaghilagħi kaiwae wañgako għarakakaiwo regħa na regħa tembe i goyawaru weya le loi thalavu kaiwae. Lenji renuwa ja thi munjeva thi vamaya ja wañgako e vuyowoko tine, thi mbana doweko vavana thi yathu e njighiko tine.

Ko iyemaenje e mbañako iyako Jona vambé ina e wañgako għarīgħe, e tine bode i għenetena yawaliye.

⁶ Wañgako ghakapitan i nja na ve vaidi na i dagħewi inja, “Ko iya ɳgoronja mbe len

ghenaenje e waŋgako tine? U thuweiru na wo u nango weya len loi. Mbwata ne ghare i nja weinda na ma valikaiwae raya mare.”

⁷ Waŋgako gharakakaiwo thi vedage wenji thiňa, “Wo ra tamwe thela le thari kaiwae iya ra vaidiya vuyowoke iyake. Wo ra vakatha bigi regha ḥgoreiye sula.”* Mbaňa thi vakatha iyako ve nja weya Jona.

⁸ Iya kaiwae thi vaito thiňa, “E mbaňake iyake wo u utu giyama weime, thela le thari kaiwae na iya vuyowoke iyake i yomara weinda? U vakatha budakai gheke? The vanautuma loloniya ghen? The wabwi loloniya ghen?”

⁹ I gonjogha wenji ina, “Hibru loloniya ghino na ya kururu weya GIYA LOI, Loi ina e buruburu, iye va i vakatha njighi na thelau.”

¹⁰ Waŋgako gharakakaiwo thi gharelaghilaghi laghiye moli na thi dagewe thiňa, “Budakaiya iya mo vakathake?” (Thi ghareghare mendava i vo weya GIYA LOI kaiwae me utu giya wenji.)

¹¹ Lenji utuutuko e tine ndewendeweko ma i vurigheghe na i vurigheghe enge. Iya kaiwae thi vaito thiňa, “Ne wo vakatha budakai e ghen na mbala ndewendeweko i rowo towo na ghime yawalime?”

* ^{1:7} Kaiwae nuwanjiya thi ghareghare thela me vakatha ghanji vuyowo, thi vakatha bigi regha ḥgoreiye sula. Thi vakatha gharighari ghanjinono e varivari nanasiye vwatanji regha na regha. Amba thi mbanithuwole e nambo tine na lolo regha na i tuthiya vari regha. Ma i thuwe. Variko iyako loloko me vakatha ghanji vuyowoko ghanono inawe. E kamwathiko iyako gharighari thi loŋweghathi Loi i vatomwe wenji thela i vakatha ghanji vuyowo. Vaňa lumo raňa “casting lots”.

¹² Jona i gonjogha wenji inja, “Hu wonggo na hu duutunjo e njighike tine, ambane tad i ghagha. Ya ghareghare ghino kaiwañgu iya hu vaidiya vuyowoke iyake.”

¹³ Iyemaenje wañgako gharakakaiwo thi wodo na thi munjeva thi goru vanatina — thi rovurigheghe laghiye moli, ko iyemaenje ndewendeweke vama i vurigheghe enge na vanatina ma i bwagabwaga moli enge wenji.

¹⁴ Iya kaiwae thi goyawaru weya Jona le Loi thiňja, “Aee GIYA LOI, wo nańgo e ghen thava ne u lithi e ghime e mare kaiwae ne wo vakowana loloke iya ma ghawonjoweke yawaliye. Ghen mbe ghanimbereghana vara iya len renuwanja vakathake thiýake thi yomara.”

¹⁵ Thi wovaira Jona e nimanimanji na thi wokiyathuutu e njighiko tine. E mbañako iyako tad i ghagha.

¹⁶ Iyako i vathanjiya wañgako gharakakaiwo thi mararu laghiye moli weya GIYA LOI iya kaiwae thi vakatha vowo na i vorowe na thi vakatha ñgoreiye lenji dagerawe.

¹⁷ Ko iyemaenje Jona kaiwae, GIYA LOI i vivatharawa borogi laghiye regha na i wovongwa Jona. Jona va ina e borogiko ñgamoiye ghararaghije thegheto na gougue gheneto.

2

Jona le nańgo

¹ Maya borogiko e ñgamoiye tine, Jona i nańgo weya GIYA LOI le Loi.

² Inja:

- “Mbaña inaŋgu vuyowo laghiye e tine,
 na ya una GIYA Loi idan,
 kaero u thalavunjo.
- Bode moli ramaremare e ghambanji,
 ya una idan thalavu kaiwae,
 na u loŋwa għaliñanġu.
- ³ U duutunjo e ɻambuwoko tine bode moli,
 njighi i vagħiliyanġo,
 len bagodu lagħilagħiye thi bebe e
 vvataŋgu.
- ⁴ Lo renuwa jaŋge kaero mendava u
 kiteniyanġu e għen
 ko tembene ya thuweva len Ngolo Boboma.
- ⁵ Mbwa i wovululuŋgo na i wovonġuŋgo;
 na njighi i garubu riwaŋguke lagħiye,
 na njighiko wolewaniye i ghavwa um-
 baliŋgu.
- ⁶ Ya nja e ɻambuwokote e ououko rīgherighenji
 e valiwaŋgake iya ghathinimbako
 ma mbaña regħha i mavu.
- Ko iyemaŋge għen, wo GIYA Loi, lo Loi,
 u vanġunjogħango e yawayawalingu
 bode moli e ɻambuwoko tine.
- ⁷ Mbaña ya għamino yawaliŋgu kaero ne iko,
 amba ya renuwa jaka kikiňge na ya naŋgo e
 għen, o GIYA Loi
 na e len Ngolo Bobomana e tine u loŋwa
 għaliñanġu.
- ⁸ Thavala thi goru weya vatavatadni
 na ma e għanji thovuye,
 kaero thi roitetenje na
 għaren ma i nja weŋgi.
- ⁹ Ko iyemaŋge ne ya wothu tarawenje;

ne ya vakatha vowo na i voro e ghen
 na ya vakatha ɳgoreiya va lo dagerawe e
 ghen.

Vamoru i mena weya GIYA LOI!"

¹⁰ Amba GIYA LOI i vakatha borogima na i
 thegharangiya Jona e njighiko ghadidiye.

3

Jona i wa Ninive

¹ Amba GIYA LOI mbañaiwoniyeva i dage weva
 Jona,

² iña, "U wa Ninive, iya ghembako laghiye
 iyako na vo utuña totoke iya ya utuvengeke."

³ Jona i ghambugha GIYA LOI le renuwaña na
 i wa Ninive, iya ghembako laghiye iyako. I wo
 mbaña thegheto amba lolo regha i lonja e tine
 na ve wo valighadidiye.

⁴ Mbaña i viva moli i ɳgalauwa e ghembako
 laghiye tine. I utuña iña, "Ne mbaña
 mbañaevari e tine Ninive ne i mukuwo moli."

⁵ Ninive gharighariniye thi loñweghathigha
 Loi le utu iya Jona me utugiya wenji, iya
 kaiwae thiňa valikaiwae gharigharike wolaghiye
 thi mbemba, iri thavala thi laghiye na thi
 mevoro gheghad gharighari ma e idaidanji na
 thi njimbo kwama mbe ghayamoyamo ɳgoreiye
 ela le ghimoru i mareiteteneja, na iyako i
 worangiya kaero thi roitetenejya lenji thari na
 thi ndeghereiye wanaŋgi.

⁶ Mbaña ghembako ghakinj i loñwa iyako,
 i yondoviri ele ghamba mbaroko weiyen
 vwenyevwenye kwamaniye na i linjonja

ghakwamako amba i liya kwama ɳgoreiye wambwi kwamaniye na ve ronja e vugha vwatae.

⁷ Amba i variya għaliex wengiha għarighariko wolagħiye Ninive e tine ixa,

“Kiñ na għaliex għaraghambi thi variya utuke iyake wenga, ɳgoreiyanke:

Thava lolo regħa, thava kau, sip na gout thi għaniex o thi muna mbwa.

⁸ Għarigharik wolagħiye na thettheġħan thi njimbo kwama għanjiyamoyamo ɳgoreiye wambwi kwamaniye. Għarigharik wolagħiye thi nango vurigħegħe weiye lenji gharevatomwe weya Loi, na thi roitettenġi għanġieth raraithari na lenji vakatha raraithari.

⁹ Mbwatane Loi i viva le renuwa ja na le gharegħhaithiko iko, ghare i nja weinda na mbala ma i mukuwoinda.”

¹⁰ Mbanja Loi i thuwa lenji vakathako, kaero thi roitettenġi għanġieth raraithari, i viva le renuwa ja na le gharegħhaithiko iko na ma i mukuwoġgi ɳgoreiġa va ixa ne i vakatha wenji.

4

Jona le għatemuru na Loi le mwaewo

¹ Ko iyemaenje Jona va weiye le għattemuru lagħiye moli iyako kaiwae weiye le gaithi.

² Iya kaiwae i nango weya GIYA LOI ixa, “GIYA LOI, amba muyai ya iteta ghambanġu, thare va ya dage e għen na len vakatha ɳgoreiye vara iyako? Iyako kaiwae va ya rovurigħegħena na ya vogħha na ya wa Tasis (Spain). Ya gharegħare għen gharethovu na mwaewo għa

Loi. Mbañake wolaghiye u ghatañaghathì, mbañake wolaghiye gharenìwe, na mbañake wolaghiye valikaiwan u viva len renuwaña na ma giya vuyowo.

³ Iya kaiwae, GIYA LOI, mbema u li enge yawalinguke, valikaiwae moliya ya mare na thava e yawayawaliŋgu.”

⁴ Ko iyemaŋge GIYA LOI i gonjoghawe iňa, “Ma e len righe na iya gharenina i gaithi.”

⁵ Jona i wareri na i wa e ghembako valivanja e boimako na ve yakuwe. I vatada yonjathowathowa regha na i yaku e riburibuye, na i roroghagha; nuwaiya i thuwe budakai ne i yomara e ghembako iyako.

⁶ Amba GIYA LOI i vakatha umbwa regha i mbuthu voro Jona evasiwae na i giya ghambaghambaluwae na i vakatha ghaminae i thovuye moli. Jona i warari laghiye umbwako iyako kaiwae.

⁷ Ko va mbañambanja moli Loi iňa na mwatamwata thi ghana umbwama na i mare.

⁸ Varae vama i yovoro na e ghoreiye Loi i vakatha boima dayadayaghaniye i rowo na i vakatha Jona mbalavama marae i tatailo kaiwae varae ko va i ñge umbaliye na i dayagha. Iya kaiwae iňa, “Thonjo mbema ya mare enge. Valikaiwae moliya ya mare na thava e yawayawaliŋgu.”

⁹ Ko iyemaŋge Loi i dagewe iňa, “Ma e len righe vara na gharen i gaithi umbwako kaiwae.”

Jona i gonjoghawe iňa, “Mbe elo righe na kaiwae ghareŋgu i gaithi — ya gaithi laghiye

laghiye moli iya kaiwae nuwaŋguiya mbema ya mare vara.”

¹⁰ Ko iyemaenje GIYA Loi i dagewe iňa, “Iya umbwako menda i mbuthuko na gougoura na kaero i mareva, ma menda u vakatha bigi reghawe na ma menda u vakatha na i mbuthu, iwaenje gharen i njawe.

¹¹ Ngoroŋga na mbe gharengu wevara iya ghembako laghiye Ninive. Kaiwae e tine gharighari lenji ghanaghanagha i kivwala wan handred tuweniti tausan gharighari ma valikaiwanji thi ghareghare thovuye na thari inanjiwe, na tembe ŋgoreiyeva thetheghaniŋgi lemoyo.”

**Toto Thovuye Loi Ghaliŋae
Portions of the Holy Bible in the Sudest language of
Papua New Guinea
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 28 Dec 2024 from source files dated 31 Aug 2023

7a63d67b-b890-5db0-8880-b6fd64f3b62f